

Headline	Tabung Haji ziarah waris jemaah haji		
MediaTitle	Sinar Harian		
Date	20 Sep 2016	Color	Black/white
Section	Nasional	Circulation	279,000
Page No	17	Readership	837,000
Language	Malay	ArticleSize	83 cm <sup>2</sup>
Journalist	N/A	AdValue	RM 817
Frequency	Daily	PR Value	RM 2,452



## Tabung Haji ziarah waris jemaah haji

**TUARAN** - Rombongan Tabung Haji (TH) diketuai Timbalan Ketua Pegawai Eksekutif TH, Datuk Badlisyah Abdul Ghani semalam, menziarahi waris jemaah haji dari Sabah, Allahyarham Asli Siamat, 74, yang meninggal dunia di Makkah, pada 7 September lalu.

Asli meninggal dunia di Hospital King Faisal pada jam 6 pagi akibat jangkitan kuman dalam darah dan dikebumikan di Tanah Perkuburan Sya'rah Makkah.

Rombongan disertai Timbalan

Pengarah TH Sabah, Norsaiful Adlian tiba di rumah keluarga Allahyarham Asli di Kampung Tajau, di sini, dan bantuan khairat kematian berjumlah RM1,500 turut disampaikan kepada balu Allahyarham, Bainun Salim, 49.

Bercakap kepada media, Badlisyah berkata, pihak TH telah melaksanakan badal haji untuk arwah kerana beliau meninggal dunia sebelum hari wukuf.

"Pihak TH juga telah menguruskan jenazah dan pengebumian

arwah di Tanah Suci. Semuanya berjalan dengan lancar," katanya.

Sementara itu, Bainun berkata, dia reda atas pemergian suaminya dan menerima ketentuan Ilahi.

"Saya berdoa semoga dia ditempatkan dalam kalangan orang yang beriman," katanya.

Setakat ini, TH merekodkan 11 jemaah haji meninggal dunia iaitu seorang di Hospital Putrajaya, Madinah (dua), Makkah (enam) dan masing-masing seorang di Muzdalifah dan Mina. - *Berita*